

名宦傳第二

辰州府志三十四

賜按察司銜候補道攝

儀徵畢本恕仲言□

解榮

許麾

虞球

蕭玘

件倫

張鼎

江溥

余敬

張鎮

郭麟

戴敏

鄧琦

蒙亨

劉丙

徐潭

楊紳

勾德

崔桐

陳東

李瑜

胡晟

徐珊

梁廉

趙廷臣

辰州府志

卷三十四

名宦傳二

一

張岳

石邦憲

陶欽夔

徐楚

高昇

吳炳

翟霞

孫賢

馮岳

施千祥

秦淮

游震德

萬士和

阮文中

曾倬

項德粹

彭鷄

張重

王騰漢

鄒善

王京

宿度

王璽

熊桂芳

許琬

吳一本

洗繼謙

項思教

朱同軌

蔡國珍

黃鍾會

郭 棐

張 瑚

翁道宗

林 梓

張 俊

江東之

李 藻

孫守業

吳瑞登

張守緒

董元學

瞿汝稷

毛允讓

曹行健

侯加地

左天德

蔡復一

李有譽

周 鳴

楊 萃

李 進

彭先儁

胡一鴻

陸夢龍

鄧祖禹

梁 銓

樊良樞

徐宏祖

尹 伸

辰州府志

卷三十四

名宦傳二

二

楊邦翰

王 驥

葉憲祖

王觀化

王祚久

石萬有

林龍彩

陳 瑾

魏 禎

唐向良臣

明

解榮四川灌縣人宏治元年以進士知沅陵縣守己清廉所出政令不為赫赫名亦不務為姑息而實惠在民者多民用懷之祀名宦祠

省志

舊志

縣志

許麾山東東平州舉人宏治初知盧溪縣慎刑愛民決斷訟獄未嘗以私怒杖民民德之祀名宦祠

省志

舊志 縣志

虞球字伯玉崇仁人宏治十年通判辰州先是郡糧主者咸以爲利藪球至一無所取不妄答一人而公事自辦巡歷辰溪邑多山田歲每苦旱球親詣田間相度水道令民鑿陂塘瀦水以資灌溉民至今受其利

明統志 省志

補

蕭玘平湖人宏治十年知辰溪縣爲政清慎毫不妄取雖催科亦極寬恤治獄明允庭無留牘以疾卒於官士民咸爲流涕祀名宦祠

省志 舊志 縣志

件倫宏治間盧溪教諭課士嚴明有凜凜不可犯之概而成就人才甚多文風丕振士畏而敬之

縣志 補

辰州府志

卷三十四

名宦傳二

三

張鼎江南丹陽人宏治中知溆浦縣勤於政治輕賦役以安民凡學舍壇墀營構一新士民久益思之

省志 縣志

汪溥江西人舉貴州鄉試宏治十五年辰溪縣教諭捐俸修治學宮振拔單寒以獎勵人才遊其門者比之爲近山斗祀名宦祠

縣志 補

余敬廣東新會人進士宏治中知溆浦縣爲政不尚刑罰遇事化導待學人禮恭而言勸士民感服秩滿行

取御史卒祀名宦祠

省志 舊志 縣志

張鎮字定國臨海人登進士宏治十八年官辰沅兵備副使飭兵折獄威信在人於學校城垣尤加意整理

郭麟閩縣人正德三年教諭沅陵勤於課誨士之有才
者多方振拔改學宮建書院皆力為之倡學者敬愛
之去之日繪其像留祀名宦祠省志 縣志補

戴敏字遜之徽州人進士歷官南京戶部郎中正德五
年知辰州府為政以興教化正人心為首郡城外有
淫祠為豪家所踞下令毀而鬻之以其值市地城中
創崇正書院祀周程張朱五子又為寶經堂於其後
擇子弟之秀異者肄業其中既而譙樓燬於火復為
興建鎮筭苗叛悉心勦撫政事文章皆藉藉著於當

辰州府志

卷三十四

名宦傳二

四

時楊廷和記

明統志

省志補

鄧琦

舊訛作奇

洛陽舉人正德五年同知辰州府剛果明決

吏不敢欺時衛軍橫暴為民害廉而置於法餘皆斂

跡一郡肅然

明統志

省志

戴敏碑記補

蒙亨四川西充人正德中由舉人知盧溪縣清廉有威
而待士極為隆敬邃於三易暇即進諸生講論窮其
精奧邑中易學之盛自亨始也省志 縣志

劉丙字文煥安福人成化末登進士選庶吉士正德六
年積官右副都御史巡撫湖廣所部鎮溪千戶所算
子坪長官司與貴州銅仁四川西陽梅桐諸土司犬

牙相錯宏治中鎮溪苗龍麻羊與銅仁苗龍童保聚衆攻剽土官李椿等實縱之而箠子百夫長龍眞與通謀後遂四出劫掠遠近騷然先後守臣莫能制丙將討之賊入連山深箐爲拒守計丙率師破其數寨賊走據天生厓及六龍山貴州巡撫沈林兵繼至連攻破之前後擒童保等二百人斬首八百九十餘級都指揮潘勛又破鎮箐諸寨擒麻羊等百六十人斬首級如前餘賊遠遁璽書獎勵丙操履清介敢任事所至嚴明法令修舉遷工部右侍郎卒贈尚書謚恭

襄

明史本傳

辰州府志

卷三十四

名宦傳二

五

徐潭字汝容浙江錢塘人舉進士正德六年辰沅兵備道守己廉而待民恕清欺盜邊儲十八萬以實公帑時蜀寇大掠鄰境侵逼沅州境潭發兵三千拒之盜隨潛遁鎮箐苗獠潭親督軍深入苗寨撫勦並行邊民獲安

沅州府志

楊紳江南長洲舉人正德中知淑浦縣遇事立斷皆中其情五日一詣學校課試諸生寒暑無間由是絃誦之聲達於四境卒官貧無以殮邑人哀之祀名宦祠

明統志

舊志

縣志

□德廣西人嘉靖十一年

省志誤作

爲辰州府推官不

虐小民不以錢幣入私室布衣蔬食澹然與民同其憂樂循良之名郡人久而益稱之後萬歷中侯加地來繼其職猶聞而歎曰廉吏如勾公者真難以企及也

省志 舊志

崔桐字來鳳直隸海門人登進士授翰林編修諫南巡受杖奪俸尋以侍讀出爲湖廣右叅議嘉靖十三年移官辰沅兵備道桐冲澹和易常視學宮與諸生講明性理務求實際累擢國子監祭酒禮部右侍郎明史本傳

陳束字約之鄞縣人生而聰慧絕倫好讀古書嘉靖八

辰州府志

卷三十四

名宦傳二

六

年□對世宗親列二甲授禮部主事遷員外郎改編修束出張璫霍韜門不肯親附爲所惡出爲湖廣僉事分巡辰沅治有聲稍遷福建叅議改河南提學副使年三十三卒於官爲嘉靖八才子之一

明史文苑傳

李瑜字仲繩江西吉水舉人嘉靖十七年官辰沅兵備道紀律嚴明兵將見而股慄時巡邊哨擒勦兗苗不事姑息總兵譚繼畏忌陰中之調去而民則甚思之

沅州府志

補

胡晟婺源人嘉靖十七年由舉人知沅陵縣方正不阿力爲民興革利弊時榮藩督租率爲民害晟悉繩以

□王亦無如何也又裁辰沅夫役均民勞逸上下巡歷其境者終莫能擾去後民思之祀名宦祠

一統志
省志

徐珊字汝珮浙江餘姚人少受學於王陽明嘉靖二年以舉人赴南宮試策問心學實陰詆陽明也珊不對而出二十年來官辰州府同知初陽明謫龍場召還道辰州留虎谿徜徉久之乃去珊至任訪遺跡爲書院構修道堂大集多士以昌明其學而明年廬陵梁廉來判於郡廉亦珊之師也珊事之一如陽明不敢以同官而忘師誼日諄諄請益不倦

王文成集

羅

梁廉字定齋江西廬陵人早以道自任主講會稽時日

辰州府志

卷三十四

名宦傳二

七

與餘姚徐珊侍陽明於鑑湖益有所得珊後竟折節稱弟子嘉靖二十一年由舉人歷工部主事出爲辰州府通判時珊以同知先一年至方建修道堂於虎谿廉下車卽謁祠下復創見江軒其側益會士人相與講論由是陽明之學大昌於辰州

徐汝珮記

趙廷臣雲南太和舉人嘉靖二十五年知廬溪縣憫邑

中賦役繁重條陳便宜裁浮糧革冗役民永賴之

省

志 舊志 縣志

張岳字維喬惠安人自幼好學以大儒自期登正德十一年進士世宗時累遷兵部左侍郎湖貴間有□□

□爾諸苗居之東屬鎮溪千戶所箠子坪長官司隸湖廣西屬銅仁平頭二長官司隸貴州北接四川西陽廣袤數百里諸苗數反官兵不能制侍郎萬鏜征之四年不克乃授其魁龍許保冠帶湖苗暫息而貴苗反如故鏜班師龍許保及其黨吳黑苗復亂貴州巡撫李義壯告警嘉靖二十七年特設重臣總督湖廣貴州四川軍務命岳任其職以討苗進右都御史義壯持鏜議欲撫岳劾其阻兵罷之先義壯撫貴州者僉都御史王學益與鏜附嚴嵩主撫數從中撓岳岳持益堅而軍猶未敢遽動也二十九年許保益猖

獬襲執印江知縣徐文伯及石阡推官鄧本忠以去岳坐停俸於是岳乃得興兵令總兵官沈希儀叅將石邦憲等分道進征而躬入銅仁督戰先後斬賊魁五十三人獨許保黑苗跳不獲岳奏貴苗漸平湖苗聽撫請遣土兵歸農朝議許之次年酉陽宣慰司冉元嗾許保黑苗突劫思州執知府李允簡邦憲兵奪還而允簡竟死嵩父子故撼岳欲逮治之徐階持不可乃奪右都御史以兵部侍郎督師如故邦憲等旋破賊岳自搜山箠餘賊獻思州印及許保湖廣兵亦破擒首惡李通海等然黑苗未獲終不敢以捷聞已

高昇江西南昌縣人嘉靖七年舉於鄉久之來知沅陵縣時總督張岳帥師征苗上下城邑軍需供應孔繁昇盡心調度軍給糧足而閭井不擾百姓感之祀名

宦祠

省志

縣志

南昌志

吳炳江西廬陵縣舉人初爲雲和令以清廉著丁內艱起服適盧溪李棟爲稽勲主事請以知其縣得先時

嘉靖

列省志萬歷誤

二十七年也盧溪當苗蠻之衝兵寇紛

擾炳至任潔己愛民多方撫綏尤好扶植士類虛懷延納邑中藹然有起色而炳挂冠歸矣士民思之紀其政於石祀名宦祠

省志

舊志

縣志

辰州府志

卷三十四

名宦傳二

十一

翟霞廣西桂林人嘉靖二十八年知辰溪縣馭下嚴明摘發奸宄無所畏避時湖貴苗叛總督張岳帥師來討烽火頻警霞預事調度小民安堵如故在任七載

政聲赫然擢東昌府同知祀名宦祠

省志縣志

舊志

孫賢字若愚忠州守禦所人世宗時臘爾苗叛特設總督命張岳往任又於銅仁麻陽各設叅將以賢具文武才屢經薦最授麻陽叅將苗亂旣平賢從岳籌畫邊備設十三哨於沿邊旣而總督馮岳至用中軍李英議移麻陽軍弁駐五寨司請於上得先賜賢璽書與以事權移兵就職凡鎮筭九永各守備常德辰州

沅州九谿永定施州各衛永順保靖各宣慰施南□
毛忠建容美各宣撫箠子坪五寨各長官司咸聽節
制時嘉靖三十三年也賢既抵五寨卽爲創立城垣
建設戎署整飭軍政訓練士卒防禦周備邊境大治
麻陽令朱瓚郡紳王世隆皆方之爲周亞夫至今鳳
凰廳民苗猶思之宜祀名宦祠劉泉記 沅州府志

馮岳字貞所慈谿人嘉靖三十三年以兵部侍郎總督
四川湖廣貴州雲南軍務駐節沅州至卽詢訪苗疆
利弊以鎮箠參將偏處麻陽不若移鎮五寨司居中
扼要可以東控鎮箠乾州西援貴之銅平南捍辰沅

辰州府志

卷三十四

名宦傳二

十二

諸郡縣則麻陽自在腹心於調度機宜爲便而創城
建署皆須經理下文武官弁會議僉合乃疏請於朝
從之邊境始得所恃而修築沅州城討平巨苗阿項
崇學校正營制凡所以爲辰沅計者甚周沅州志 劉泉記

施千祥字子吉福建福清人嘉靖乙未進士授禮部主
事歷員外郎出爲江西僉事以忤權貴調補四川灌
鄆兩縣有政聲三十四年乙卯擢湖廣副使兵備辰
沅旋進廣西叅政千祥在辰沅時不輕擾民一以恩
義撫綏苗獠皆讐服受約束惟謹福建省志

秦淮南直隸無錫人嘉靖三十四年由歲貢知辰溪縣

勤恤民隱而帥之以正除奸吏毀淫祠斥邪教招撫

流移捐修學校以老乞致仕祀名宦祠

省志
泰記

丁應

游震得字汝潛號讓溪南直婺源人嘉靖三十五年由進士爲分守湖北道來駐辰州躬儉約貌慈祥而才足以恤民隱是時宗祿繁糧賦日增苗邊新設十三哨軍餉日多差役追索民脂欲竭而部使者奉命復取麩金徵硃砂採大木督責暴橫絡繹不絕震得歎曰民困如此吾尚尸默而不言乎於是挺然建議宗糧則一田二稅悉徵折色軍儲則裁民壯以助驛遞則嚴懲胥役苛派邊防則慎守禦以遏其萌又著砂

辰州府志

卷三十四

名宦傳二

十三

金說原土產之所無繪採木圖陳山崑之險一一上聞悉從其請民乃大蘇蓋震得少卽留心正學窮深義韞達於施爲者如此而尤樂於造就人才政暇日進諸生論說如師弟子在任四載擢湖廣按察使以去從學者爲建讓溪書院於虎谿陽明祠之東日講習其中如親侍焉又彙其奏議二卷刻之名曰湖北民隱錄百姓復別建棠蔭祠以祀又祀名宦祠

萬士

和民隱錄序

孫應鰲書院記

統志

補

萬士和字思節號履菴南直宜興人嘉靖二十年進士改庶吉士累遷貴州提學副使三十九年進湖廣叅

政分守湖北撫納叛苗二十八砦以功賚銀幣未三載而遷初士和來駐辰州繼游震得後以震得爲賢凡所興革悉心踵而成之時三殿工興採木使者旁午於道震得繪圖上陳而未能遽止也士和旣已莫可奈何惟多方經畫民始賴以安而其叙震得民隱錄也諄諄然猶懼無以接武前賢以慰民望其虛懷慕義如此去之日辰人泐石紀之又與震得並祀棠蔭祠後官至禮部尚書卒贈太子少保謚文恭

明史

本傳

向洪去思碑記

補

阮文中字用和江西南昌人進士嘉靖四十年以南京

辰州府志

卷三十四

名宦傳二

十四

兵部郎中擢湖廣按察副使兵備辰沅兼攝分巡道雅持大體率屬吏以廉而與民興利甚力四十二年旣裁總督文中獨任苗疆嚴斥堠勤稽察革冗員省浮費興學校崇忠節苗蠻已服者慈惠以安之反側者威德以來之境內休然歷僉都御史巡撫貴州有征苗功晉副都御史遷湖廣巡撫卒於官

萬姓譜

黃光昇去思碑

南昌縣志

補

曾倬雲南臨安舉人嘉靖中爲盧溪教諭勤於課士以最卽陞知盧溪縣倬旣久任備悉人情風土聽事明決民心悅服後以讒去邑人寃之

縣志

補

項德粹馬平人嘉靖中由舉人知溆浦縣政尚清簡待士民如家人父子折獄雖得其情隱然有哀矜之意二年晉長沙通判百姓攀轅灑涕不忍遽舍祀名宦

祠省志 舊志 縣志

彭鷓江西分宜人嘉靖中出歲貢爲盧溪縣訓導學該博而持身嚴毅啓迪士子諄諄誠切學者重之縣志

張重福建人嘉靖中任沅陵縣教諭邃於學負有爲之才不以官冷自卑別賢否勤勸課遊其門者多所成就士紳交口稱之祀名宦祠省志 縣志補

王騰漢雲南人嘉靖末由舉人知沅陵縣性廉謹治事

辰州府志 卷三十四 名宦傳二 十五

精勤審機善斷吏不敢欺修學校課農桑訟簡賦均四民就業考績保留加六品俸仍舊任省志 縣志 舊志

鄒善字繼甫號穎泉江西安福人隆慶四年由進士累官湖北分守道駐辰州西郊有虎谿山爲王陽明過化地學者建祠祀之而肄業其中善固以道自任至卽往謁進諸生與講良知之學而四方士聞風日至太守徐廷綬慮其無以容也爲增置講室六楹善名之曰當仁堂凡所以磨勵獎勸寒暑不輟者皆此意也未三載遷去諸生爲泐去思碑而祀之棠蔭祠去

思碑 向淇當仁堂記補

王京字來觀號咸虛江四上高人隆慶二年成進士知同安以忤權貴聽調六年壬申來知盧溪縣適學宮縣署悉毀於水京至假屋以居往觀舊署則固衆流之衝也亟謀別建惟城隍廟址爲善卜日興事而僚屬遽病百姓重於遷徙恐恐然爭欲告止京諭之以理毅然行之不震不動凡六月而縣署成復移城隍於舊治始然疑者終皆帖服而病者亦卒無恙至於今數百年未改也當是時京躬自省約捐廩勸助又徐徐爲建立學宮煥然大備京才學優長遇事明決尤樂與士人相親洽政事文章籍著湖南北間萬歷

辰州府志

卷三十四

名宦傳二

十六

三年擢衡州府同知邑人紀石以志不忘

楊柏記

曲人繩記 一統各志

補

宿度字二山山東掖縣進士萬歷三年擢湖廣按察副使兵備辰沅樹體嚴肅而樂獎士類勤課試手自丹黃文風大振後兼督辰靖學校爲一時儒宗云

沅州

各志

補

王璽字予信號見竹江西南豐人嘉靖乙丑進士選庶常歷工禮戶三科給事奉使朝鮮遷太平守有廉聲萬歷四年擢分守湖北道益潔其操自念爲守時進巡方者以蔬食及來駐辰州雖蔬食亦不妄擾其口

於士民務以寬厚待之官至廣東按察使辰人祀之

棠蔭祠

湯來賀內省齋集

江西省志

補

熊桂芳江西德化籍南昌人萬歷五年知辰溪縣長於吏治嚴戢豪猾吏胥畏其威居五載境內肅然擢賔

州知州

省志

舊志

許琬字文建號少南建昌新城人嘉靖歲貢萬歷初由訓導擢知沅陵縣沅陵號繁劇兵荒洊至一切供億琬悉裁去邑中火禱天自責風反火熄當道交獎之後致政歸鄧元錫爲作沅山篇略云沅父老兮望日延君胡爲兮鴻騫亶知足兮不辱豈周容兮能全

鄧

辰州府志

卷三十四

名宦傳二

十七

潛谷文集

建昌府志補

吳一本號雲莊浙江蘭谿人萬歷八年由舉人知盧溪縣性英敏剖決如流時方清丈田畝一本徧歷四境釐剔奸弊量其肥瘠貧富裁浮糧平徭役搆日省軒貯冊其中又各爲文以記其顛末吏胥無所施其奸百姓受惠無窮政暇令諸生徵求文獻纂爲邑乘盧溪之有志書蓋自一本始也祀名宦祠

一統志

縣

洗繼謙廣東南海人萬歷八年由舉人任盧溪教諭凡貧寒不能從師者親爲引導而却其餽遺卒於官諸生流涕集貲助喪

縣志

補

□教字敬敷浙江臨海人舉進士萬歷十年爲湖北分守道駐辰州推誠待下不擾其民亦不爲赫赫之政民懷之祀棠蔭祠

祠廟考補

朱同軌四川潼川州人萬歷十年由選貢知辰溪縣政尚廉恕而遇事敢爲丈田畝清糧賦均徭役大蘇民困復爲廣建義倉以備荒歉增修社學以育多士邑志有未備者潤色之在任四年克勤其職後士民屢請入祀名宦蓋惠愛所及者遠故民久而不能忘也

縣志補

蔡國珍字汝聘江西奉新人屢官福建提學副使萬歷

辰州府志

卷三十四

名宦傳二

十八

十四年遷湖廣右叅政分守湖北駐辰州洞蠻亂將吏皆議勦國珍檄諭之遂定官至吏部尚書素以學行稱而清操有守尤爲時望所屬卒贈太子太保謚

恭靖

明史本傳補

黃鍾會福建晉江人萬歷十四年由舉人知辰溪縣值丁亥戊子歲屢旱民饑疫並侵鍾會亟爲乞糶於上得發倉廩分建粥場賑之身爲周視條理井然藉以存活者甚衆又捐施藥物棺衾生死各有所備邑始獲安稍暇卽進諸生勗之以學科名由是漸興五載

□浙江寧波府同知

縣志補

□ 棐字篤周號夢菊廣東番禺人由進士爲夔州守□
四川督學萬歷十六年分守湖北道棐少請業於湛
若水精進於道辰州屢經兵燹文獻殘缺見於志乘
者率多訛謬棐力爲考證著酉陽正俎十篇暇日復
修伏波祠建大觀亭後以遷去士民爲立生祠又與
游震得萬士和鄒善王璽項思教並祀棠蔭祠

張文

耀祠記

補

張瑚福建沙縣人監生萬歷初知淑浦縣泣事明敏察
奸祛弊力行一條鞭法一條鞭者總一邑之賦役量
地計丁丁糧畢輸於官凡力差僉募工食銀差贈耗

辰州府志

卷三十四

名宦傳二

十九

額派存留供億土貢各費併爲一條悉計畝徵銀折
辦於官民大稱便及瑚去成規漸紊人益思之祀名

宦祠

省志

縣志

翁道宗浙江臨安人選貢萬歷十九年知辰溪縣爲政
嚴明豪猾必除而守法者不擾田賦均平額外無所
苛取任二載餘民甚安之

縣志補

林梓字考吾福建漳浦人進士萬歷二十年官辰沅兵
備副使性溫厚待下無疾言遽色而臨政折獄自嚴

肅得大體

沅州志

補

張俊漢川人萬歷初沅陵縣教諭貌渾朴而行誼端方

勤於考課士之貧者周之而勗以學居數載挂冠□
諸生留之不能強也縣志補

江東之字長信歛人萬歷五年進士由行人擢御史首
發馮保徐爵奸受知於帝旋擢光祿少卿改太僕以
爭壽宮事貶知州二十一年進湖廣僉事兵備辰沅
風裁肅然銳意興革利病市獐私稅苛索小民者嚴
除之一時帑藏皆清又請闢天柱縣治以制苗後擢
有僉都御史巡撫貴州以京察被劾免官道過辰沅
猶捐貲以助興建明史本傳 魏禧文集 萬姓譜

□藻江西進賢人萬歷二十三年山舉人知辰溪縣清

辰州府志

卷三十四

名宦傳二

二十

慎有才撫綏苗猺邑境木安九力所可爲者不憚煩
勞遷縣堂葺學宮建城隍水府廟悉以漸成之而民
不擾調雲南南寧縣 同知歸舟過辰百姓

爭出攀迎猶依依不能舍

舊志

縣志

孫守業字魯元河南祥符人進士萬歷二十三年兵備
辰沅性鯁直胸無城府哨兵缺餉猖獗甚守業立□
渠魁治之爲調停接濟四邊宴然沅州志補

吳瑞登字雲卿號省菴□□武進人由歲貢爲教諭召
入成均修世宗穆宗實錄萬歷二十三年擢辰州府
通判專董七州縣賦役□□□□達勾□□□□

當胥吏莫敢干以私民間風輸允踰於常額當道□
之督徵各邑至溆浦俗號頑梗瑞登爲清積逋旌節
孝禮教多士人心翕然嚮化旋署沅陵縣建名宦祠
祀循良者八人造綱網册豪猾詭寄之弊頓絕以其
暇日纂修郡志甫半載丁內艱去郡人爲肖像建祠
孫繼祠記 省府各志

張守緒浙江仁和人萬歷二十六年由舉人知辰溪縣
立政嚴明理繁不亂時大軍征播攤取夫役守緒設
法均派民得無擾旋調往軍前克安其職居四載卒

於官 縣志

辰州府志

卷三十四

名宦傳二

二十一

董元學字敏軒山東歷城人進士萬歷三十一年兵備

辰沅操守清慎綱紀肅然罔敢有犯者 沅州志補

瞿汝稷字元立南直常熟人好學工屬文以廕補官三
遷刑部主事歷黃州邵武知府萬歷三十一年徙知
辰州府初保靖土司彭養正惡其長子象乾愛庶子
象坤而酉陽土司冉御龍故與永順土司彭元錦有
隙象乾者御龍之甥也元錦乘養正死以兵逐象乾
欲以報御龍汝稷偵知之先期馳檄開諭元錦解兵
去三土司皆安未幾議勦紅苗汝稷上言兩臺其□
曰苗邇年頗寧息今茲釁隙實由黔總戎而□□□

有食糧熟苗龍惠者頗爲部落所歸中國羈縻之假以指揮服色今總戎初至無故而遽革其糧苗警日起總戎疑以爲皆惠也使健步王仁續至惠寨仁續淫苗婦惠并殺苗婦以白總戎總戎乃誘惠殺之盡滅其家夫漢法凡姦人婦女者并殺其婦則弗問惠故奉漢法也又以白總戎何至殺惠而滅其家乎曲在我矣且苗地四五百里其人不下數十萬皆勇悍難制恐未能速得志也議上事得寢尋遷長蘆鹽運使去之日辰民爲建生祠紀之以碑後以太僕少卿

致仕

明史本傳

三楚文獻錄

省志

辰州府志

卷三十四

名宦傳二

二十二

毛允讓字星嶽浙江江山人刑部尚書愷之冢孫也萬歷三十四年知辰州府允讓雖世宦未嘗有驕侈色教愛士民體恤周至嘗有事沅州先期檄止供饌減騶從約宿於辰溪至界嶺去城十五里耳漏方起允讓念春氣寒甚夫馬勞倦卽投小菴止宿菴隘且陋縣令固請入城婉言謝之扃戶鼾睡達旦其不擾民類如此未半載卒於官後人卽所宿之小菴更其題額曰召憇以志不諼

曹行健記

補

曹行健南直當塗人萬歷三十五年由歲貢知辰溪縣以廉恕爲政而任事勤敏至卽爲民均平糧畝貧□

無所偏邑城舊爲土垣屢議改建當事者率因循口
自逸適洪水暴漲西南盡傾行健旣爲民所信服毅
然創建石城又葺縣署豎浮圖事竟而不勞暇日復
彙纂縣志以成一邑文獻任滿擢雷州府同知辰溪
人肖像立祠祀之

縣志補

侯加地字慶字解州人工詩文留心經世之務萬歷二
十八年由舉人爲辰州府推官遇屬邑災變侃切陳
請必得賑乃已辰州故爲苗疆兵寇時作而郡乘之
有無杳不可考前通判吳瑞登草創未成而去繼而
其門人侍御錢春巡方至辰以加地有心人也囑之

辰州府志

卷三十四

名宦傳二

二十三

成其事加地力爲考求閭閻利弊著之於篇而於苗
蠻事變爲尤詳又著邊哨疆域考凡國家所已設施
與夫山川險要所當續爲之備者分條細數不覺其
言之長所以思患預防者遠矣其書至萬歷四十三
年乃成今其舊本雖不可得見觀於後人之祖述而
加地之用心良苦矣嘗署沅州事遷學興教卓然有
聲宜祀諸名宦祠以昭士民報稱之意

自序 錢春

序 沅陵縣志補

左天德南直涇縣人萬歷四十年由舉人知辰溪縣在
任五載修輯城垣催科不擾以廉慈著尤加意士子

力請督學加取新進增廣科舉學者咸感激自勵文風由是大振督兵捕苗解給邊餉軍民俱戴之以狀聞於兩臺泐石紀其政擢夔州府同知

縣志補

蔡復一字元履一字敬夫福建同安人由進士歷兵部郎中居郎署十七年萬歷四十二年始遷湖廣叅政分守湖北兼署兵備駐辰州請征勦紅苗改州設衛不從復親歷邊疆度其險阻力陳營哨羅布苗路崎嶇難以遏其窺覷請發帑金四萬有奇築沿邊土牆上自銅仁下至保靖迤山亘水凡三百餘里一時邊防藉以稍固後屢遷總督貴州雲南湖廣軍務兼巡

辰州府志

卷三十四

名宦傳二

二十四

撫貴州擒斬宄苗無算解任卒於平越贈兵部尚書謚清憲復一好古博學善屬文耿介負大節旣歿橐

無遺貲

明史本傳

沿邊錄

備邊考補

李有譽建昌南城人萬歷四十四年由舉人知辰溪縣誠能得衆明足燭奸開庠序建新市凡所以撫字士民者靡不至催科不擾其餘事也任五年擢知朔州以去民留之不克乃祠祀之

縣志補

周鳴江西安福人萬歷四十五年由舉人爲辰州府推官旋署盧溪縣事學宮屢修屢圯鳴爲政以講學□人爲本捐俸倡修助者旣衆遂堅固不壞士□□□

於其去也刻石紀德建祠於龍吟閣下以祀顏曰永

懷縣志補

楊萃河南洛陽人由舉人知溆浦縣舊有土城隘陋不可以守萃念縣境毗連苗獠周回相度得其險要力爲捐倡別建一城於西郊以輔固舊城邑人賴之以萃爲洛陽人遂名曰洛陽城時萬歷四十五年也尋擢辰州同知陞知府後歸鄉值李自成之難抗節以死明史武大烈傳 城池考補

李進字春宇雲南趙州人天啓元年知辰溪縣時學宮傾圮已久進下車卽捐俸修治期年凡廟庭庠署悉

辰州府志

卷三十四

名宦傳二

二十五

煥然改觀尤優禮諸生爲置書籍建書院以督課之邑人士賴其作興者甚衆鍾和學記補

彭先儁江西萍鄉人恩選貢生天啓二年知盧溪縣事考成復任時逆苗猖獗先儁與鎮筸遊擊鄧祖禹多方勦撫民賴以安六載陞滄洲知州士民不忍舍爲立碑紀德省志 縣志補

胡一鴻字季漸浙江餘姚人萬歷庚戌進士由主事轉知府天啓初水西之亂擢辰沅副使主餉事勅運法爲連珠營每營距十里迭爲運防輪日番休黔軍得以藉手復添築邊牆六十餘里以防鎮筸諸苗轉陝

西按察使未上而卒贈太僕卿

餘姚縣志

省志

陸夢龍字君啓浙江會稽人由進士屢官貴州右叅政監軍平苗天啓五年改辰沅兵備征播之役多所籌畫崇禎初以廣東臬司遷右叅政守固原夢龍好談兵以廓清羣盜自負賊圍靜海州出兵禦之抵老虎溝賊衆我寡被圍數重夢龍大呼奮擊手斬數人力竭而死事聞贈太僕卿

明史本傳

補

鄧祖禹蘄州人舉萬歷四十七年武會試授瀋陽守備常出戰中矢死夜半復甦創甚告歸天啓間起爲鎮筓遊擊值苗猖獗祖禹與盧溪令彭先儁多方勦撫

辰州府志

卷三十四

名宦傳二

二十六

而分守道胡一鴻復命之自鎮溪所下至喜鵲營添築邊牆六十餘里民賴以安崇禎初移宣府遊擊入衛京師副將申甫軍歿祖禹力戰蘆溝橋擢涿州叅將入朝上書聲甚厲爲御史所糾下獄然帝頗採其言久之赦出爲辰沅叅將禽苗酋飛天王張五保斬首千五百級夷其巢陞副總兵轄德安黃州往援應城賊大至圍之西城外被執賊說降怒罵不屈遂剖心剝肝而死

明史本傳

省志

彭先儁傳

沿邊

按祖禹爲鎮筓遊擊事史不及記然見於他紀載志傳者甚詳故備述之

梁銓廣東恩平人崇禎元年知盧溪縣持己以廉決口
訟獄明而不苛民未嘗有受重杖者糧稅火耗歲積
侵加銓獨爲裁減解任歸行李蕭然邑人攀留餞送
盈於道路鐫石以紀德政

縣志補

樊良樞字致虛江西人由進士累官浙江雲南督學崇
禎二年遷湖廣副使分守湖北兼布政司右叅議駐
辰州重建王文成書院於虎谿山又別建薛文清祠
於其西政暇卽詣講堂進諸生論學質疑問難以相
觀摩諸生請曰顏子卒年三十二後之論者以爲未
達聖人一間而夫子自叙曰三十而立至七十始不

辰州府志

卷三十四

名宦傳二

二十七

踰矩然則天假顏子以年其將遂優於聖人乎良樞
曰不然夫子自致於道也顏子由聖人引而至於道
也譬之富人初無本業銖積寸累末年始能儲蓄稱
富有至其子弟則不待經營遵而行之便童年素封
矣然論致富之術究何能如其父兄由此觀之顏子
卽壽臻古稀恐終是未達一間也凡所折衷大都此
類著虎谿會錄諸生悅服以爲自文成後虎谿此爲
再盛云未一載擢廣東嶺南道叅政旋值世變未及
崇祀而其教澤所被郡人士猶有餘慕焉

奮志跋

伏波廟碑 省志補

徐宏祖江西吉水人由歲貢令通道縣崇禎四年調知
盧溪縣適久旱宏祖至誠心步禱雨隨至士民欣悅
泐石誌之

省志

縣志

補

尹伸字子求宜賓人爲人公廉強直不事媵阿由進士
歷官貴州威清道崇禎七年改官辰沅兵備副使轉
河南右布政使伸所至與長吏迕然待人有始終篤
分義工詩善書張獻忠陷叙州匿山中搜得之厲罵
至井研遂攢殺之

明史忠義傳

沅州府志

補

楊邦翰字羽君號仙石廣東南海人崇禎辛未進士令
溧水甲戌卓異改知沅陵縣以恤民愛士爲務沅陵

辰州府志

卷三十四

名宦傳二

二十八

固山色也田墾賦重加以孔道征調頻仍額賦屢增
逃亡者衆而里甲相沿爲奸指公科索民無從白邦
翰至卽嚴革火耗立易知單令納戶自兌自封免漕
米以豁賠累請益價以甦夫馬察衙官侵虐無告禁
重犯凌轢獄囚又制日報指掌二冊以稽庫役出納
凡那移侵欺之弊頓絕當道賢之下其法於旁郡時
岳鄙二處餉不及額有議於辰沅代納者邦翰毅然
請於上曰沅陵者未及言之岳鄙也岳鄙者已在告
之沅陵也竟獲罷而優禮諸生月課季試雖政務冗
迫必手自較讐尤者旌之梓之一時出其門者皆口

翩捷去辰州衛舊無專學附於沅陵凡郡庠所取皆沅陵與衛子弟後各邑多竄入邦翰言其弊於學使者得議如舊至修學宮完城郭又其餘事也逾年直指使者上其能晉秩南京水部士庶趨詣闕乞留不獲命去之日囊無長物而肫切愛民之意未已也爲刻酉陽紀畧以告後之司土者邑人久而益思之既二年餘復泐碑以志不忘

去思碑

補

土驥字澹菴江南人進士崇禎間分守湖北道駐辰州操守清潔撫苗督餉能以才略見郡人稱之

湖廣通志

葉憲祖字美度浙江餘姚人由進士歷官刑部主事出

辰州府志

卷三十四

名宦傳二

二十九

守順慶崇禎八年陞湖廣副使兵備辰沅時五溪苗入犯憲祖屢有斬獲總督朱燮元叙其功轉四川叅政陞廣西按察使皆未上自以古文詩辭相期許尤

長於填詞

餘姚縣志

補

王觀化字孚明四川南充縣舉人崇禎九年知辰州府郡學泮池久湮觀化爲開廣之甘泉隨湧又創建淳屠以爲文峰助甫舉耤而山巔石磴天然遇災變返風滅火禱雨立應若操券焉而是時郡城桂花三月大開郡人咸稱異政之驗唐九官爲作五異詩九官沅陵端人也觀化至廉得之與爲詩文友酬和甚富

工祚久字象徵貴州平越人太學生崇禎中知淑浦縣時四方多故有何將軍者領兵萬餘駐淑浦糧盡將肆屠掠祚久屢謁不得見勢急乃掀帳直入伏地叩頭流涕請以身代民命且以俸八百金布百端爲壽帥曰若士卒何先是祚久與民約具牛羊酒米若干遂如數對帥色霽而銀布牛酒錯陳帳外一軍皆喜明日整衆行民猶震懾奔匿縣署肩摩背疊不能容帥感其誠不戮一人而去旣而父老聞他邑被屠皆垂泣曰微公吾屬無遺種矣祚久始至建義學修城

辰州府志

卷三十四

名宦傳二

三十

壘築堤防以收水利平險灘以通舟楫邑至今賴之及解□惟一肩輿家人步從民哭送數百里不絕祚久先□補 鄴都亦有惠政云一統志 縣志 各記傳

石萬有字涵初上元籍滁州人也崇禎十三年由貢士爲辰州府通判時四方已不靖矣而辰郡荒旱厲疫頻作萬有竭力祈禱多方安輯養士子徵賢才儲以待用捐餉遣援兵以驅民害凡所以預事圖存者周矣及癸未三月闖寇餘黨據澧州偏院將弁周晉焚虜常德辰民聞風震驚萬有獨肩其任舉身家爲誓與衆□爲城守計民有徙者斬晨夕籌畫廣布方略

緝奸擒僞賊不敢侵是冬張獻忠陷全楚破武陵桃源當事假萬有兵篆萬有益自厲傾囊橐以助軍詳移京餉調土兵迎藩嗣鼓士紳練鄉勇造火器刊城書派塚口設燈籠立窩鋪偕沅陵令唐夔諸僚屬晝夜嚴守城池分兵防隘水陸截堵民恐恐然而賊竟不敢入境在郡五年蓋未嘗一日寧居也甲申陞滇南太守兩院保留知辰郡命未下而行郡人爲建生祠於虎谿九母宮之東刻其像於石辰溪御史米助國紀其政於像下尋以鼎革故去留莫考而此碑亦□沉埋於祠下百二十年至乾隆癸未署知府張天

辰州府志

卷三十四

名宦傳二

三十一

如表而出之並祀於九母宮西後太守陳嘉穀祠內士紳始知萬有之功如此而沅陵令唐夔卒奠能詳而傳也夔福建貢士

米助國記

常德志

澧州各

林龍彩字景雲號惕菴福建同安人崇禎十四年由舉人知溆浦縣縣之龍潭多逋賦龍彩一歲兩詣其鄉懷以德禮激以分誼民輸將恐後每退食進諸生發明延平考亭奧義而務期於實用壬癸間流氛猖獗龍彩集邑賢士繕城池練鄉勇開誠布公諭以忠義未幾臨藍餘孽侵龍潭亟爲請於上出方略用山獠搗平之既而都城報警鄉中無賴者倡爲紅兵屠掠

龍潭謀氏龍彩泣請於偏沅巡撫聞於朝發大師勦滅之邑始賴以安復自帥兵復安化新化二縣甲申以功擢知寶慶府多惠政晉粵西副使龍潭人世祀之諫會基記 湖廣通志 寶慶府志補

陳瑾字白岳廣西南寧人崇禎時爲分守湖北叅議剛方明達洞悉民隱凡有興革必諮詢父老除奸蠹培士風修濬城池任滿百姓遮留至今尸祝湖廣通志補

魏禎鎮筮叅將向友良鎮筮遊擊唐良臣乾州守備里居皆莫得而詳也明季天下變亂奸民竄入邊地由是苗種日繁往往出劫村鄉辰沅盧麻諸境騷然矣

辰州府志

卷三十四

名宦傳二

三十二

而鎮筮乾州尤甚禎與友良良臣會兵討之一時同死於陣或曰癸巳冬逆苗吳老文倡亂禎等力戰以死禎妻孫氏哭訴秦藩聞於永明王遣健將徐祁馮莫四都督統兵數千四路進勦十二月進兵至次年三月退軍斬苗萬餘級猖獗始稍戢蓋當是時□之不可得聞者多矣死事如禎與友良良臣者其亦幸而不泯然也悲夫乾州苗事始末 沿邊錄補

按明一代舊四十二人今存三十五人補九十三人共一百二十八人

辰州府志名宦傳第二終